



FÉLAG
GRUNNSKÓLA-
KENNARA

10. ársfundur

Félags grunnskólakennara

11 - 12. apríl 2013

Hótel Borgarnes

Ársskýrsla stjórnar Félags grunnskólakennara

Stjórn Félags grunnskólakennara

Á aðalfundi félagsins 17. -18. maí 2011 var kosin ný stjórn í félaginu. Á fyrsta stjórnarfundum eftir aðalfund skipti stjórn með sér verkum á eftirfarandi hátt:

Formaður: Ólafur Loftsson, KFR / FG
Varaformaður: Guðbjörg Ragnarsdóttir, KR
Gjaldkeri: Mjöll Matthíasdóttir, BKNE
Ritari: Hreiðar Oddson, KMSK
Meðstjórnendur:
Baldur Þorsteinsson, KFR
Sigurður Halldór Jesson, KS
Bergmann Guðmundsson, KSNV

Varamenn stjórnar eru:

Rósa Ingvarsdóttir, KFR
Ólafur Einar Lárusson, KV
Þórunn Sif Böðvarsdóttir, KFR
Hildur Jórunn Agnarsdóttir, KSA
Pórdís Sævarsdóttir, KMSK

Frá aðalfundi 2011 hafa verið haldnir átján stjórnarfundir. Fyrsti varamaður stjórnar situr fundi hennar sem áheyrnafulltrúi.

Skrifstofa, starfsmannahald og fjármál félagsins

Starfsmannamál félagsins eru með eftirfarandi hætti. Formaður, varaformaður en þjónustufulltrúar eru í fullu starfi á vegum KÍ. Skrifstofa félagsins er opin alla virka daga frá 9-16. Á skrifstofunni er yfirleitt einhver starfsmannanna til þjónustu reiðubúinn.

Aðalfundur FG samþykkti fjárhagsáætlun félagsins fyrir tímabilið 2011 – 2014 (sjá útgefnað þingsamþykktir 5. aðalfundar FG) sem staðfestar voru á þingi Kennarasambandsins. Í þeirri áætlun var gert ráð fyrir að framlag til aðildarfélaga KÍ breytist í takt við launatöflu KÍ. Framlag frá KÍ skiptist í þrjá hluta, framlag vegna launa, reksturs og vegna svæða/deilda. Á árinu voru unnar tillögur til breytinga á greiðslum til svæðafélaga, sem tóku gildi um áramótin.

Reikningar félagsins fyrir árið 2012 verða lagðir fram til kynningar á fundinum.

Samráðsfundir

Skv. lögum FG skal stjórn boða til samráðsfundar með formönnum svæðafélaga a.m.k. tvisvar á ári. Samráðsfundi er ætlað að vera stjórn til ráðuneytis um stjórnun félagsins, m.a. við undirbúning aðalfundar og ársfunda. Eins og undanfarin ár hafa samráðsfundir verið fleiri heldur en lög félagsins gera ráð fyrir.

Af málum sem rædd hafa verið á þessum fundum má nefna kjaramál, haustþing svæðafélaganna, fjármál svæðafélaganna, trúnaðarmannanámskeið, ástandið í samfélaginu, skólamálin og margt fleira.

Kjaramál hafa einnig verið fyrirferðamikil á samráðsfundum ársins, og verða gerð nánari skil síðar í skýrslunni.

Það er mjög mikilvægt fyrir félagið að eiga sterkan hóp svæðaformanna sem geta tekið virkan þátt í starfi og stefnumótun félagsins og vill stjórn FG nota tækifærið og þakka þeim samstarfið á árinu.

Samninganefnd

Samninganefnd FG skipa stjórn og fimm fulltrúar sem kjörnir eru á aðalfundi. Á aðalfundinum voru eftirtaldir kjörnir í samninganefndina:

Ingibjörg Þorleifsdóttir, KS

Sigurður Haukur Gíslason, KMSK

Sigurjón Magnússon, BKNE

Anna Lena Halldórsdóttir, KR

Þormóður Logi Björnsson, KR

Samninganefnd félagsins var því þannig skipuð:

Ólafur Loftsson, KFR / FG

Guðabjörg Ragnarsdóttir, KR

Mjöll Matthíasdóttir, BKNE

Hreiðar Oddson, KMSK

Baldur Þorsteinsson, KFR

Sigurður Halldór Jesson, KS

Bergmann, KSNV

Ingibjörg Þorleifsdóttir, KS

Sigurður Haukur Gíslason, KMSK

Sigurjón Magnússon, BKNE

Anna Lena Halldórsdóttir, KR

Þormóður Logi Björnsson, KR

Formaður FG er jafnframt formaður samninganefndar. Ritari nefndarinnar er Mjöll Matthíasdóttir. Það sem af er kjörtímabilinu hafa verið haldnir tuttugu og einn fundur í nefndinni þar með talið tveggja daga vinnufundur og sameiginlegur vinnufundar samninga- og skólamálanefndar.

Samninganefnd kaus viðræðunefnd og eru í henni Ólafur Loftsson, Guðbjörg Ragnarsdóttir, Sigurjón Magnússon, Ingibjörg Þorleifsdóttir, Hreiðar Oddson og Baldur Þorsteinsson.

Frá síðasta ársfundi FG hefur samninganefnd FG reynt árangurslaust reynt að ná samkomuagi við SNS. Í nóvember 2011 varð ljóst að ekki tækist að semja innan þeirra tímatakmarkana sem aðilar höfðu ákveðið, sem var fyrir 1. desember það sama ár. Á þeim tíma var ljóst að ekki hafði tekist með markvissum hætti að ræða báða hluta þeirrar bókunar sem undir var:

Bókun 2 [2011]

Framtíðarsýn í skólamálum

Aðilar eru sammála um að halda áfram vinnu á grundvelli sameiginlegrar framtíðarsýnar í skólamálum til ársins 2020, skv. sameiginlegum samningsmarkmiðum og markmiðum í kjarasamningi aðila frá 2008.

Í því skyni munu aðilar skipa tvo starfshópa með fulltrúum beggja aðila til að halda áfram þeirri vinnu sem lagður var grundvöllur að með vinnu starfshóps sem mótaði sameiginlega framtíðarsýn í skólamálum til ársins 2020.

Annar starfshópurinn mun m.a. fjalla um hlutverk kennara, innihald starfs þeirra og breytingar á störfum, auk þróunar skólastarfs almennt.

Hinn starfshópurinn mun fjalla um vinnutímakafla kjarasamnings og önnur ákvæði sem tengjast vinnutíma grunnskólakennara með það að markmiði að aðlaga hann að breyttum kröfum til skólastarfs.

Stefnt er að því að aðilar nái samkomulagi um breytingar fyrir 31. desember 2011.

Það samkomulag verði borið undir félagsmenn FG í almennri atkvæðagreiðslu og skal niðurstaða hennar liggja fyrir eigi síðar en 16. febrúar 2012. Samþykki félagsmenn FG þær breytingar, taka þær gildi frá upphafi skólaársins 2012-2013. Felli félagsmenn FG umræddar breytingar eða náist ekki samkomulag um breytingatillögur, fellur kjarasamningurinn úr gildi frá 29. febrúar 2012 án sérstakrar uppsagnar.

Sveitarfélögin voru ekki í stakk búin til að ræða efnislega um hlutverk kennara og hvernig skólastarfið hefur þróast á síðustu árum. Þrátt fyrir það var ljóst að vilji SNS stóð til þess að efnisræða það og því var ákveðið að framhalda viðræðunum fram til desember 2012, gegn því að laun hækkuðu 1. mars 2012 um 3,25% og friðarskyldu aðila.

Í kjölfarið hófst efnislega umræða og gagnaöflun þar sem hlutverk kennara, innihald starfs þeirra og breytingar á störfum, auk þróunar skólastarfs almennt. Gerð var viðamikil könnun meðal kennara, þar sem rúm 60% þátttaka var. Auk þess voru um 70 kennarar víða um land fengnir til að halda dagbók um störf sín. Hópurinn var

síðan leiddur saman undir verkstjórn utan aðkomandi aðila og látinn bera saman bækur sínar. Helstu niðurstöðu könnunarinnar og vinnu kennarahópsins voru að:

- 1) álag á kennara hefur aukist mikið á undanförunum árum
- 2) flestir kennarar vinna meira heldur en þeir fá greitt fyrir skv. kjarasamningi
- 3) hvergi í formlegum gögnum er veitt skýr yfirsýn yfir hlutverk kennara á einum stað
- 4) Þau verk sem kennarar raunverulega sinna eru að einhverju leyti þau sömu milli einstaklinga, kennslugreina og skóla, en að öðru leyti mismunandi. Þannig má ætla að grunnverkefni kennarastéttarinnar séu alltaf þau sömu
- 5) Í skýrslunni er m.a. lagt til að:
 - auka sveigjanleika til að mæta þörfum hvers skóla og starfsmanna hans
 - raunvinnutími kennara verði í samræmi við ákvæði kjarasamnings um heildarvinnuframlag
 - útfærsla á skiptingu vinnutíma kennara taki mið af því að kennarar vinna ekki allir sömu verkefni og þau taka mismunandi tíma

Til að bregðast við þessu taldi samninganefnd FG um nokkrar leiðir gæti verið að ræða sem hægt væri að fara að hluta eða í heild. Áriðandi að skoða eftirfarandi þætti:

- Nemendagildi
- Starfslýsingar kennara
- Bekkja- og hópastærðir
- Fjölgun starfsheita (fagkennarar, árgangastjórar o.s.frv.)
- Endurmenntun kennara og málefni Vonarsjóðs og tenging þar á milli
- Fyrirkomulag og nýting á starfsdögum, bæði í upphafi og á meðan skólaári stendur (5 og 8 daganna)
- Lengd skólaársins
- Skoðun á sveigjanlegri kennsluskyldu / mismunandi milli einstaklinga / hópa / tímabila
- Notkun á verkstjórnartíma (9,14 / 11,14 / 14,14)
- Mat á menntun
- Samræming ýmissa réttindamála

Í ljósi þeirra vinnu sem átt hefur sér stað á undanförunum mánuðum, telur samninganefnd FG nauðsynlegt að fram fari umræða um hvað stefnan um „einstaklingsmiðað nám“ felur í sér.

Öllum þessum leiðum og hugmyndum var hafnað af SNS og segja má að þar með hafi flest atriði kjarasamningsins verið efnisrætt og viðræður komnar í öngstræti. Því varð úr að viðræðunum var vísað til sáttasemjara í nóvember 2012. Í kjölfarið gerðu stjórn og samninganefnd víðreist um landið og héldu fjölmarga opna fundi með kennurum og fóru í margar skólaheimsóknir. Það sem helst stóð upp úr þeirri för (annað en óánægja með óbilgirni SNS) var að félagsmenn okkar vildu tryggja 3,5% hækkun 1. mars 2013 og helst meira.

Eftir viðræður hjá sáttasemjara var ljóst að ekki fyndist lausn á deilunni í bráð. Að tillögu hans féllust aðilar á að framlengja viðræðuáætlun þann 15. febrúar 2013.

1. grein

Endurnýjun viðræðuáætlunar

Aðilar eru sammála um endurnýjaða viðræðuáætlun skv. 23. gr. laga nr. 80/1938 þannig að hún gildi til 28. febrúar 2014.

2. grein

Launabreyting

Á gildistíma viðræðuáætlunar fara launahækkanir samkvæmt launatöflu með gildistíma 1. mars 2013, sjá meðfylgjandi fylgiskjal I.

3. grein

Greining á framkvæmd menntastefnu

Mennta- og menningarmálaráðuneytið, Samband íslenskra sveitarfélaga, Skólastjórafélag Íslands og Félag grunnskólakennara munu standa sameiginlega að greiningu á framkvæmd stefnunnar "skóli án aðgreiningar" og hvaða áhrif hún hefur á skólastarf.

Sömu aðilar munu efla samræður um hvernig staðið skuli að innleiðingu aðalnámskrár fyrir grunnskóla.

Ofangreindir aðilar munu sameinast um gerð verkáætlunar um framkvæmd verkefnisins.

4. grein

Breyting vegna niðurstöðu forsendunefndar

Á grundvelli niðurstöðu forsendunefndar Sambands íslenskra sveitarfélaga og stéttar- og verkalýðsfélaga innan ASÍ, BHM, BSRB og KÍ, vegna annarra en Félags grunnskólakennara, verður framlag til, annað hvort Vonarsjóðs eða Sjúkrasjóðs KÍ, hækkað í áföngum um 0,1% eigi síðar en 1. janúar 2015, sem útfært verður nánar í næsta kjarasamningi.

Með þessu er ákvæði gr. 15.1 í kjarasamningi aðila um almennar samningsforsendur uppfyllt.

5. grein

Friðarskylda

Á gildistíma viðræðuáætlunar ríkir friðarskylda.

Laun félagsmanna FG skyldu hækkuð um 4% 1. mars 2013 auk þess sem annaruppbætur voru staðfestar.

Vinnubrögð viðsemjenda okkar hafa vakið sérstaka athygli FG undanfarið ár. Í þrígang voru viðræður milli aðila komnar á það stig að ekki leit út fyrir annað en hægt

yrði að ljúka þeim, en í öll skiptin var það stöðvað af stjórn Sambands Íslenskra sveitarfélaga. Upplýsingaflæði frá SNS til baklands síns virðist einnig vera af skornum skammti, sbr. dæmalaus yfirlýsingu stjórnar sambandsins sem er full af rangfærslum. Eini tilgangur hennar virðist vera að breiða yfir eigið getuleysi. Í kjölfar alls þessa hefur svo hin síendurtekni söngur farið í gang af hálfu sveitarfélaganna „þetta er allt kjarasamningi kennara að kenna“.

Á næstu dögum munu menntamálaráðuneytið, Samband Íslenskra sveitarfélaga, Skólastjórafélag Íslands og Félag grunnskólakennara hittast og byrja að kryfja til mergjar stefnuna „Skóla án aðgreiningar“, sbr. viðræðuáætlun.

Samstarfsnefnd FG og LN

Fulltrúar FG í samstarfsnefnd eru Ólafur Loftsson formaður og Guðbjörg Ragnarsdóttir varaformaður FG. Af hálfu LN hafa Guðfinna Harðardóttir, Ingunn Gísladóttir og Hallur Páll verið í nefndinni. Síðast liðið haust urðu mannabreytingar þ.e. Guðfinna og Hallur Páll hættu en Bjarni Ómar Haraldsson og Valgerður Stefánsdóttir tóku við af þeim. Nefndinni bárust fleiri erindi í ár en árið á undan, en vegna stöðu kjaraviðræðna voru fáir fundir haldnir. Biðlaunamálið beið dómtöku og ljóst var að það yrði ekki dæmt í málinu fyrr en í ársbyrjun 2013.

Tilburðir einstakra sveitarfélaga og einstaka skólastjórnenda til að túlka kjarasamninginn að eigin geðþótta valda enn áhyggjum. Samstarfsnefnd sá ástæðu til að bóka eftirfarandi árið 2010 og þarft að minna á: „*Samstarfsnefnd þykir ástæða til að áréttta að túlkun kjarasamnings LN og KÍ v/Félags grunnskólakennara fer fram á borði samstarfsnefndar*“.

FG lítur það mjög alvarlegum augum ef einstök sveitarfélög eða einstakir skólastjórnendur telji það hlutverk sitt að túlka kjarasamning aðila að. Það skal ítrekað að það er hlutverk samninganefnda og/eða samstarfsnefndar aðila að túlka kjarasamninginn og greiða úr ágreiningi sem upp kann að koma. Engra annarra.

Skólamálanefnd

Á aðalfundi Félags grunnskólakennara 2011 voru eftirtalin kjörin í skólamálanefnd:

Brynja Áslaug Sigurðardóttir, KMSK
Kristjana Hrafnadóttir, KMSK
Lára Guðrún Agnarsdóttir, KSV
Svava Þórhildur Hjaltalín, BKNE
Þórdís Sævarsdóttir, KMSK
Þórunn Sif Böðvarsdóttir, KFR

Í varastjórn voru kjörin:

Guðbjörg Íris Atladóttir KFR

Sara Gísladóttir KSNV

Þóra Kristinsdóttir KFR

Imke Schirmacher KMSK

Guðbjörg Sigurðardóttir KFR

Formaður sem lögum samkvæmt var skipaður af stjórn er Guðbjörg Ragnarsdóttir. Guðbjörg Íris Atladóttir tók við af Láru Guðrúnu Agnarsdóttur í upphafi árs. Þórunn Sif Böðvarsdóttir hóf störf í skólamálanefndinni í ágúst en sagði sig úr henni í september. Þá tók við Sara Gísladóttir. Skólamálanefnd FG hélt átta fundi frá síðasta ársfundi ásamt fundi með samninganefnd FG. Þá voru tölvusamskipti notuð milli funda til að tryggja áframhaldandi vinnu við fyrirbyggjandi verkefni.

Hlutverk skólamálanefndar samkvæmt lögum Félags grunnskólakennara er:

- ✓ að fjalla um fagleg málefni og skólamál í samráði við stjórn félagsins og skólamálaráð
- ✓ að vinna að eflingu kennaramenntunar og endurmenntunar félagsmanna
- ✓ að annast tengsl við fagfélög og sambærilegar nefndir annarra uppeldisstétta

Störf skólamálanefndar FG mótast að mestu leyti af ákvörðunum aðalfundar FG. Einnig berast nefndinni ýmis mál frá stjórn FG, framkvæmdastjórn skólamálaráðs KÍ, Mennta- og menningarráðuneytinu, sveitarfélögum auk fjölda annarra aðila. Skólamálanefnd vann í samstarfi við samninganefnd FG að samningamálum.

Á síðasta ári tókst ekki að fullvinna þær ályktanir sem standa átti skil á fyrir ársfund 2012 en nú hefur verið gerð bragabót á því. Annars vegar átti FG að beita sér fyrir auknu vægi list og verkgreina í skólastarfi. Rætt hefur verið við fagfélög list- og verkgreina um samvinnu um verkáætlun og var fundað með þeim. Skólavaráðan fjallaði að hluta um list- og verkgreinar að beiðni okkar, en einnig liggur fyrir ósk um að þær verði þema tölublaðsins.

Hins vegar átti FG að koma á samvinnu við aðila frá Mennta- og menningarráðuneyti og sveitafélögum um að jafna kynjahlutfall í grunnskólum. Haldinn var fundur og hann sátu Björg Pétursdóttur og Björk Óttarsdóttur fyrir hönd menntamálaráðuneytis, Svandís Ingimundardóttir og Klara E. Finnbogadóttir fyrir hönd sveitafélaganna, Samuel Lefever fyrir hönd Háskóla Íslands og Guðbjörg Ragnarsdóttir fyrir hönd FG. Á fundinum var ákveðið að fá fleiri að borðinu þ.e. aðila frá Háskólanum Akureyri, Félagi leikskólakennara og Félagi framhaldsskólakennara þar sem þetta mál snýr að öllum þessum aðilum. Ákveðið var að leggja stutta könnun fyrir karlmenn í kennaranámi á því hvers vegna þeir völdu þetta nám og hvort þeir hafi hugsað sér að starfa við kennslu eftir að námi loknu faghóp. Könnunin verður lögð fyrir eftir páska. Ofangreindir aðilar munu einnig skoða þau gögn sem FG

viðaði að sér á síðasta ári um stöðu karlmanna í kennarastéttinni á heimsvísu og hvaða leiðir hafa verið farnar til að hafa áhrif á þessa þróun. Loks mun verða skoðað hvernig Norðmenn tóku á sambærilegum vanda. Þegar niðurstöður könnunar liggja fyrir mun nefndin hittast og rýna í þau gögn sem til staðar eru og beita sér fyrir því að kynjajöfnun verði meiri í kennarastéttinni.

Skólamálanefnd FG ákvað að gefa út vefritið Skólamolá FG um fagleg málefni ásamt því að ýta undir stéttarvitund félagsmanna. Skólamolinn er sendur til félagsmanna og settur inn á heimasíðu FG. Stefnt er að útgáfu níu mola á ári. Nú þegar hafa borist ábendingar og óskir um umfjöllunarefni frá félagsmönnum og verður reynt að bregðast við þeim af fremsta megni.

Eins og fram kom í síðustu skýrslu var unnið að undirbúningi nýrrar nálgunar á rafrænni fyrirlestrarröð „Við erum sérfræðingar – þetta er mitt hlutverk“. Það verkefni dróst á langinn en upptökur á fyrstu fyrirlestrum eru hafnar.

Önnur verkefni tengd skólamálam

Mennta- og menningarmálaráðuneytið (mmrn), Samband íslenskra sveitarfélaga (sambandið), Kennarasamband Íslands (KÍ), Menntavísindasvið Háskóla Íslands (mvs HÍ), Háskólinn á Akureyri (HA) og Listaháskóli Íslands (LHÍ) gerðu með sér samkomulag um samstarfsnefnd um símenntun/starfsþróun leik-, grunn- og framhaldsskólakennara í júní 2011.

Hlutverk og markmið samstarfsnefndarinnar er að vinna að sameiginlegri stefnumótun um símenntun/starfsþróun kennara.¹ Gefin var út skýrsla sem leiddi til þess að ákveðið var að setja á stofn faghóp um þetta málefni undir stjórn Menntamálaráðuneytisins. Fyrirhugað er að vefur upplýsingaveitu muni vera aðgengilegur eigi síðar en haustið 2013.

Fundir og námskeið með trúnaðarmönnum

Að venju voru haldin haustnámskeið með trúnaðarmönnum um allt land. Á þeim námskeiðum var farið var yfir stöðuna í kjaraviðræðunum og farið yfir þær leiðir sem í stöðunni voru. Trúnaðarmenn skiptu sér í vinnuhópa og ræddu ýmis mál tengd kjaraviðræðunum. Umræðuefnin voru fyrst og fremst fjögur:

1. Endurmenntun – forræði kennarans / greiðslur úr Vonarsjóði / einn sjóður eða tveir – námsleyfi eða ekki?
2. Mat á þörf nemenda fyrir kennslu / þjónustu – Nemendagildi?

¹ Þegar hér er fjallað um kennara er átt við kennara, skólastjórnendur og eftir atvikum náms- og starfsráðgjafa.

3. Sveigjanleg kennsluskylda – Taki mið að nemendahópnum – mæld á mánaðargrunni?
4. Minnkum vinnuna – hvað á að fara?

Að auki voru haldnir aukafundir með trúnaðarmönnum vegna þeirra stöðu sem upp kom í kjölfar þess að kjaradeilunni var vísað til Ríkissáttasemjara.

Trúnaðarmenn félagsins eru einn af hornsteinum félagsins okkar og gæta þess að farið sé eftir gildandi kjarasamningi. Að auki gegna þeir mjög mikilvægu félagslegu hlutverki. Stjórn FG færir trúnaðarmönnum miklar þakkir fyrir frábær störf.

Haustþing svæðafélaganna

Haustþing eru eitt af viðamestu verkefnum svæðafélaganna á landsbyggðinni. Stjórn FG telur mikilvægt að fara á öll haustþingin og reyndu formaður og/eða varaformaður að gera það. Haustþingin voru öll vel sótt og báru vitni um metnaðarfullt og vel undirbúið starf. Haustþingin eru mikilvæg hvað varðar endurmenntun sem og tækifæri þátttakenda til að hitta aðila úr öðrum skólum.

Erlent samstarf

Kennarasamband Íslands er aðili að *Nordiska Lärarorganisationers Samråd* – NLS. Félaginu er skipt í nokkrar „deildir“, þar með talið grunnskóladeild sem FG er aðili að. Félagið sækir að jafnaði tvo fundi á ári með fulltrúum annarra kennarasamtaka á Norðurlöndum. Á þessum fundum er skipst á skoðunum um skólamál, sagt frá því helsta sem er á döfinni í skólamálum í hverju landi fyrir sig. Oftast er eitt ákveðið efni einskona þema fundanna. Svíþjóð fór með formennsku í NLS og voru samráðfundir haldnir þar. Í marsmánuði var haldin ráðstefna um kennarastarfið, *2013 International Summit on the Teaching Profession*. Til ráðstefnunnar er boðið þeim löndum sem hafa undanfarin ár verið meðal 20 efstu í PISA rannsóknunum. Skilyrði fyrir þátttöku er að hvert land sendi menntamálaráðherra viðkomandi lands, fulltrúa háskólasamfélagsins og fulltrúa stéttarféлага kennara. Af hálfu Íslands fór staðgengill menntamálaráðherra, fulltrúi frá HA og formaður KÍ. Að auki fór formaður FG sem áheyrnarfulltrúi. Skýrslu af þessum fundi er að vænta.

Samstarf við ýmsa aðila

Félag grunnskólakennara er í samstarfi við ýmsa aðila. Má þar nefna:

Heimili og skóla
Jafnréttisstofu

ADHD samtökin
Námshagkerfi

SAFT verkefnið
Námsmatsstofnun
Samband íslenskra sveitarfélaga
Fræðsluskrifstofur einstakra sveitarfélaga

Menntamálaráðuneytið
Menntavísindasvið Háskóla Íslands
Launanefnd sveitarfélaga
Skólamálanefnd sveitarfélaga

Lokaorð

Síðasta starfsár hefur að mestu mótast af mikilli vinnu við gerð kjarasamnings. Langan tíma tók að fá sveitarfélögin að fullum þunga í „alvöru“ viðræður um þá þætti sem kveðið var á um í síðasta kjarasamningi og reyndist sú vinna ganga ver en til stóð. Eigi að síður nýtast niðurstöður þeirrar vinnu í komandi kjarasamningum.

Stjórn FG þakkar öllum þeim fjölmörgu sem að starfi félagsins koma í ráðum og nefndum fyrir störf þeirra. Trúnaðarmenn og svæðaformenn eiga þakkir skildar fyrir störf sín á erfiðum tímum.

Fyrir hönd stjórnar FG

Ólafur Loftsson formaður